




44  
43  
42  
41  
40  
39  
38  
37  
36  
35  
34  
33  
32  
31  
30  
29  
28  
27  
26  
25  
24  
23  
22  
21  
20  
19  
18

5392  
8677  
=4








古今錢略卷五

望江倪模述



古布一

平足十一品 圓足九品 尖足一百四十有四品  
共計一百六十有四品




右布面文晉陽貨一金文倒向上或指為堯布案其形質方稜

與三代以上諸古幣不相類且布以晉陽紀者甚多大小各

異攷晉陽春秋屬晉杜注左氏傳凡大夏太原大鹵夏墟唐

鄂晉七地皆指為晉陽其地為趙氏食邑戰國屬趙秦置太


原郡漢高封子爲代王都晉陽卽其地也高士奇春秋地名考略云或言堯禹皆嘗都晉陽似未必然世紀但云堯都平陽禹都安邑而晉國初建唐人是因乃指唐之後裔注疏言之詳矣蓋後人緣唐夏之號附會堯禹未足信矣 案高攷甚晰此布信非堯鑄蓋周代物也特形質蒼古故以列諸布之皆翁宜泉以古布尖足列前齊平列後此布齊足與後小布及萬石圓足各種與諸布較異仍以類列之



右布亦晉陽貨一金長僅一寸皆長三分肩廣七分足廣七分

九釐足枝間廣三分長三分古布中之至小者附列於此

右布有郭面文作寶化二字文向上未見見江譜




右布面文寶化二字作反文未見亦見江譜 案此二品諸家

皆不著錄江秋史列於夏安邑幣前恐所未安今案寶化殆


亦周布因補列於此惜當日未摹副本也

右布面文爲𠄎幕文爲八秋史訓爲公字目爲公布





右布面文爲澁陰二字未見江秋史以此品列於古幣涅金舜乘馬之後引顏師古曰澁水在楚不當爲豫貨又曰此澁字



省水从差陰字不从云从土類加也余本从今得聲 案此布當時未摹副本不記其形質若何小布中有澁陰一品別列於後未審卽秋史所列者否




右布小於諸品面文似亦澁陰二字長一寸五分半首長五分半上廣五分近肩廣三分半肩廣八分半身廣八分足廣一寸自肩至足長一寸有奇足歧長五分歧間上廣二分半下廣三分半澁字亦省水陰字作𠄎卽江秋史所謂从土不从云也





右布面文右作苗左作弓似為恭昌二字




右布長二寸七分上有好文倒向上左為分字右作半不可識幕無文下平足凹而不歧




右布二品皆長二寸三分半面文似分布二字皆倒向上幕似有文模糊不可辨此工品拓自李申者




右布面文爲萬石二字幕文作三是古文四字上下俱作圓形  
 長三寸四分首長一寸上廣五分近肩廣七分肩廣一寸五  
 分足廣一寸七分足歧斜長一寸一分歧間廣一寸二分幕  
 文作數目字凡大小數品形質略同詳見後



右布面文與前品同幕文作廿字




右布面文與前二品同幕文作廿×二字




右布二品長二寸二分有奇上有好面文亦爲萬石二字前品

幕文作十字後品幕文近肩作卅字



右布與前大萬石形質同面文作門中丕字幕文作丅皆不可

識古金待問錄引路史曰太昊幣作𠄎此布門字略如𠄎之  
兩百字丕字爲𠄎之太字幕丅字爲金字未免穿鑿不足據



右布形質分寸並與前品同面文作𠄎字與前小異幕作三字



右布小於前二品長二寸二分面文作𠄎字與前二品異幕文

作出左右兩直畫左直傍作丿右直傍作乚俱不可識










右布形質分寸與前小萬石同上有好面文似魚陽二字左右

足各有一圈幕文右作十二二字左作朱字其下亦各有一圈與諸品皆異

右布面文爲晉陽二字晉作晉未見

右布面文爲晉陽八千未見與前品皆見江譜未審形質大小







右布七品形質同長二寸四分廣一寸三分面文爲晉陽二字

第一品幕無文第二品陽字下作9幕左十字第三品幕右

三字第四品幕中作X字第五品陽字下作彡幕中下作共



字第六品陽字下作X幕上作X下作口第七品陽字下作

ハ字體微異





右布二品形質分寸與前七品同晉陽二字皆列左前品右文

作Vハ後品右文作Vハ或釋爲八化二字





右布面文右作子似晉字左上作子似子字下作八似八字




右布面文似晉陽二字而右文作凶與晉字異或謂似梗陽二字梗省木近是春秋襄十八年傳杜注梗陽晉邑在太原晉陽縣南高士奇曰昭二十八年魏戊為梗陽大夫 史記趙


惠文王十一年秦取梗陽即此地漢為榆次縣地地理志榆次有梗陽晉仍之水經注京相璠曰今晉陽南四十里有梗陽城隋開皇十六年於梗陽故城置清源縣金嘗置晉州等省縣屬太原府今仍之



右布面文作凶似晉字左字糝不可辨




右布面文右一陽字作多似古幣之文左無文形質亦與諸布相類




右布二品文皆不清前品面文似宅陽二字幕文作又字下橫長後品面文似郎貝二字幕文作人字不可識或曰此二品面文是倒文陽字乃旁反向耳


右布面文作日比二字幕文作京字未見見江譜



右布面文作叔字不可識或曰亦陽字




右布面文左作𠄎右作𠄎中作𠄎皆不可識




右布長二寸三分首長七分肩斜聳自肩至足長一寸八分半



面文二字右似舜布當字左為閔字江秋史據說文閔字訓為蘭字地各屬西河郡查說文無閔字蘭下亦無此訓惟徐氏所列篆文筆迹相承小異下有爾注云說文作𠄎亦無此訓不知秋史何據又小布中此字甚多此布幕文上作十字下作回字亦不可識其形異字別詳見第六卷




右布面文右作𠄎𠄎二字左作閔字與前品略同幕無文




右布面文右作閔字與前品小異左作𠄎字幕作𠄎字不可識




右布面文作閃字與前品又異幕無文





右布共長三寸四分首長一寸首上廣七分近肩廣五分肩廣一寸五分半身廣一寸四分半肩斜聳自肩至足長二寸六分足歧斜長一寸足廣一寸七分足歧間上廣三分下廣一寸二分面文作𠄎字左足文作𠄎字幕文作四直畫皆不可識 此品拓自李申者





右布長二寸四分首長六分上廣六分靠肩廣五分肩至足長一寸八分足中歧三分斜下歧一寸二分面文左似从𠄎右似三化二字二作𠄎幕文作𠄎不可識近人以爲太昊幣恐未諦以形質與周各布相類列諸此






右布二品長廣與諸品同肩皆斜下異於諸品字皆不清前品

幕左作日後品幕左作冫皆不可識









右布形質與易陽字布同面文左作𠄎右作𠄎江秋史訓為郟

字引漢志鴈門郟縣







右布形質與前品同面文左作𠄎右作𠄎







右布三品面文右為邑字左作甲似郟字前一品幕文三字



右布二品前品面文作𠄎後品面文作𠄎亦似郟字幕無文




右布面文右是邑字左作𠄎字亦似郟字異文




右布形質分寸與前品同面文左作𠄎是八化二字右作𠄎

江秋史釋為郟字漢志郟屬清河郡顏師古曰即隄字此北



陵小隄之隄




右布右文與前品同左作八入與前品小異幕作丫



右布二品文與前品同兩面重文





右布面文右作明與前四品鄒字微異左文不可辨幕有又字







右布面文爲太陰二字


漢志太陰屬河東郡





右布太陰二字皆列左作少陰面右無文幕右作之似右字幕  
 中作三字




右布四品面文皆太陰一字而形質字體微異幕皆無文





右布四品面文皆太陰二字幕文一品作卍二品作×三品作

日八四品作川十各異







右布面文右作日中作全左作人似太陰二字反文幕作×與

前品同朱氏皆訓為大金殊舛





右布太陰二字傳形右為陰字左為太字幕作二字






右布二品面文皆與前品同右作陰字左作太字前品幕無文


後品幕作二字



右布面文左中為陰字右作日字幕無文



右布形質與前諸品同面文右作朱字左字不可識





右布面文江秋史訓為藿人云藿字緩讀近菝即菝人霍俊同

聲 案霍人有二春秋襄十年傳納諸霍人杜注霍晉邑孔

穎達曰霍是舊國劉炫曰霍晉邑人掌邑大夫猶鄆邑大夫

鄆人紇也高士奇曰在今平陽府之霍州又秦漢以來有霍人見史記周勃樊噲等傳索隱曰霍或作羅正義曰霍音瑣又蘇寡反霍人即葭人也顏師古曰霍山寡反漢書地理志太原郡有葭人縣括地志葭人故城在代州繁峙縣界高士奇曰兩霍人相去數百里必無合十之理周封叔處於霍閔元年晉滅霍以賜先且居後晉大旱卜曰霍太山為崇晉復禳焉晉已邑霍又不泯霍祀其所居之地別命曰霍人如直伯柄之後為直人也今霍州西十六里有霍城若漢之霍人自在代地不必牽混可也 案高說甚晰秋史本漢志注不如據春秋傳注指為晉邑之為確矣此布幕文一字作子似

右字



右布面文武平二字幕無文

案春秋成十六傳諸侯侵陳至

于鳴鹿杜注陳國武平縣西南有鳴鹿亭高士奇春秋地名攷略曰陳鳴鹿漢為蘄鄆縣地屬沛郡東漢析置武平縣屬陳國晉因之今為鹿邑屬歸德府 案此則武平東漢始置縣而此布文為武平且幕有一二等文品數至多諸布以地紀者皆為大邑及大都會或三代已有武平之名東漢置縣











因其故名而經傳偶佚歟然不可攷矣

古今金

古布一

其

經鋤堂







古今錢各

卷五

年







大雷岸






右布十一品面文皆武平二字幕文一二三三三皆積畫五作×

亦作×六作介七作弋八九十作八九十依次列於右

志曰古布四品對至晉皆因之嚴以法卒雖有平無武字  
平對會平無武字  
平對會平無武字  
平對會平無武字





右布五品面文皆平州二字幕無文春秋宣元年傳會平州杜





注平州齊地在泰山牟縣西 案牟縣漢置屬泰山郡地理






志曰故國也後漢至晉皆因之魏收志牟縣有平州城魯邑

也水經注濟水過利縣西又東北迤為淵渚謂之平州引應

劭云博昌西南三十里安平亭為證則以平州屬今青州博



興縣境矣與杜注不合高士奇以為誤是也







右布八品面文亦平州一字而字體微異幕文有一二二三三三

四等字不同





右布二品左爲平字右似州字與前諸品異第二品幕文、字





右布三品面文平周二字不同漢志屬西河郡江秋史曰卽平

州周與州通第三品幕作X字




右布二品面文作周平似傳形前品幕無文後品幕文作止字





不可識











右布面文作申乎似安平二字攷戰國齊田單稱安平君陳師道補注引徐廣曰北海東安平正義曰在青州臨淄縣東古紀國之鄒邑 案漢志安平有四一屬涿郡注莽曰廣亭一屬豫章郡注莽曰安甯一屬遼東稱西安平注莽曰北安平一屬遼西稱新安平皆與齊地之安平無涉後漢志北海郡有東安平故屬菑川六國時曰安平有鄒亭此則田單所封地也




右布面文武安幕無文攷戰國策蘇秦封武安君其地為趙邑史記正義云潞州武安縣 漢志武安屬魏郡














右布十品面文皆武安幕文有一二二三三三五六七八九十等字各別



右布六品面文作88千似茲氏二字茲氏漢屬太原郡注莽曰  
茲同案此布極多茲字亦上下左右各異以次列後其下





从土者則為隰廓與此布異






右布八品面右文皆茲字左文各異第一品幕文作川第二品幕文作川第三品幕文作川三第四品幕有橫五字第五品面文茲下右足有十字幕作X第六品面文右足亦作十字幕亦作X第七品面文左足作X幕作X第八品面文右足作十一幕作八字其面左文或作斤斤或作甲干未知皆氏字否但近人皆訓為茲氏矣 案春秋昭五年傳杜注茲姑幕東北有茲亭高士奇曰姑幕漢屬瑯琊後漢屬城陽郡今諸城縣西四十里有姑幕城茲亭在其境又襄十八年傳克齊京茲杜注京茲在平陰城東南則古地以茲名者甚多此布面文未必皆為茲氏也


右布小於前諸品面文右作茲左作工幕文三字





右布面文左作茲右作丁或曰亦茲氏二字左右易文



右布面文一茲字左無文




右布面文右作𠄎𠄎不可識左作茲下十字幕文𠄎字




右布三品前一品面文右上作𠄎似北字下爲𠄎全是二金二

字左上亦作𠄎下爲茲字弟二品右爲二金二字左作𠄎茲


下有十字第三品面文同幕有十字



右布面文作皮氏二字春秋隱十一年杜注隰城在懷縣西南高士奇曰今懷慶府城西三十里有期城即其地名覆背村水經注曰湛水出河內軹縣西北之湛溪逕湛城時人又呼曰隰郟谿曰隰澗後漢志河陽有湛城是也案隰郟亦作隰城見僖二十五年傳




右布面文右似化字左亦隰字




右布面文爲皮氏二字春秋閔元年傳杜注耿姬姓平陽皮氏縣東南有耿鄉案皮氏六國爲魏地見戰國策司馬貞注史記曰秦置皮氏縣漢志皮氏屬河東郡晉屬平陽郡後魏



改爲龍門縣唐因之隋屬蒲州唐屬絳州宋屬河中府宣和中改爲河津縣今仍之





右布





右布面文似作三日山左金石志訓爲齊字右無文




右布面文爲畚中二字江秋史訓作高成漢志高成屬南都




右布面文作畚是郎字春秋隱元年傳城郎杜注郎魯地高平方輿縣東南有郁郎亭高士奇曰郎蓋魯之邊邑漢王子侯表魯共王之子驕封郁根侯師古曰根音狼漢方輿縣屬山陽晉屬高平國卽今魚臺縣也



右布面文爲且邑二字且或鉏省春秋襄四年杜注鉏本國名  
 卽城鉏高士奇曰今大名府滑縣東十五里有鉏城且或鉏  
 省春秋鄭有鉏見昭六年注楚亦有鉏見襄十一年注



右布面文與前品相似但前品二字左右分列此品邑字在中  
 且字在左合列似一字說見前



右布面文似貝邱二字貝字在左邱字在右春秋莊八年傳杜

注貝邱齊地樂安博昌縣南有地名貝邱高士奇曰水經注


澗水逕博昌縣故城西西歷貝邱京相璠曰博昌縣南近澗

水有地名貝邱楚語以胡公入貝水卽此史記謂之沛邱今

博興縣南五里有貝中聚再漢志貝邱縣屬清河郡應劭曰

齊襄公田處周置貝州今爲恩縣地屬東昌府此說杜所不

取酈道元斥應爲誤是也





右布面文似陽平二字陽平卽衛之莘春秋桓十六年傳杜注

莘衛地陽平縣西北有莘亭漢志陽平屬東郡後漢志陽平



侯國有莘亭高士奇曰晉屬陽平郡隋改清邑又改莘縣屬

武陽郡唐屬魏州宋屬大名府今因之元屬東昌路今屬東

昌府




右布面文左作米△右作上||上不可識





右布二品前品面文左作書中作拿右作八以後品面文左作


古香中作全右作（）皆不可識



右布面文一字似从廌或曰卽布字



右布面文作凶合讀亦似訓公字者但比前品差小






右布面文諸家皆訓爲蒲子二字蒲晉邑春秋莊二十八年傳

杜注蒲今平陽蒲子縣高士奇曰重耳居蒲戰國策秦伐蒲

史記魏世家襄王七年秦降我蒲陽秦紀惠王十年圍魏蒲

取之漢置蒲子縣屬河東郡晉屬平陽郡後周改長壽縣於

今隰州治卽今隰州地也





右布二品前品面文作𠄎幕無文後品面文作𠄎幕文作𠄎皆不可識



右布面文缺泐不可識幕無文




右布面文二字右作卜似卜字左作𠄎不可識



右布面文二字右作𠄎古刀布中多有之未的知為某字山左金石志訓為三字左作卜亦似卜字 以上尖足布凡一百

四十有四品三品未見




古今錢略卷六

望江倪模述

古布二

平足二百二十有五品







右布面文梁邑二字右邑左梁長二寸二分首長七分上廣八

分近肩廣五分半肩廣一寸二分肩至足長一寸五分足廣

一寸四分足平而歧歧間上廣三分半下廣七分梁爲周邑

見春秋成六年與伯翳之裔梁國異漢有梁縣屬河南郡應

劭曰左傳曰秦取梁梁伯翳之後與秦同祖臣瓚曰秦取梁後改曰夏陽今馮翊夏陽是也此梁周之小邑見於春秋師古曰瓚說是也高士奇曰後漢志以河南梁縣為梁國水經注以浚儀大梁為梁國皆誤案此布甚多路史以為堯布固非近人皆訓梁邑近是山左金石志又以為右似即墨卽字左似鐘鼎中年字亦未有定論也




右布四品面文皆與前品同前一品長二寸一分肩廣一寸一分足廣一寸三分首上廣七分後三品長廣各小一分字體

皆微異




右布長廣與前第二品並同面文邑字作弓左右肩下微凹形



質與諸品略異



右布面文作水邑近人訓為虎邑二字 案西京雜記有郟字









與鄂通漢有鄂縣屬右扶風注古國有扈亭詳此布字體似鐘鼎戈字春秋襄四年傳杜注戈在宋鄭之間



右布二品第二品微大面文皆左戈右邑與前品異幕文前品

作邑後品作邑皆不可識 案此三品銅色較古樸與前梁

邑第一品相似於諸布中為大字體亦勁整於諸品





右布四品面文左作彘右作彘江秋史訓為彘邑二字攷春秋

昭二十六年傳居於彘本禹貢岳陽地漢為彘縣屬河東郡




東漢改永安縣隋置霍山郡唐置呂州貞觀中州罷以縣屬

晉州宋屬平陽今為霍州南有彘水有彘城



右布面文左作彘右作彘江秋史亦訓彘邑

右布面文右作𠄎左作𠄎亦籀字異文



右布二品面文右作𠄎左作𠄎孫滯如訓爲鄆氏鄆亦周地春

秋昭二十二年傳杜注河南鞏縣西南有地名鄆中高士奇

曰後漢志有尊谷水史記張儀下兵三川塞什谷之口徐廣


曰卽鄆邑京相璠曰今鞏洛渡北有鄆谷水東入洛謂之下



鄆亦謂之北鄆是卽杜氏所本也古有上潯下潯北潯南潯

之名括地志故鄆城在鞏縣西南五十八里輿地志偃師東


北十四里有鄆溪是又鄆之支流或謂卽夏之斟鄩誤斟鄩

在北海郡平壽縣






右布二品面文右為隰左為邲前品作後品作隰邲亦周地見第五卷



右布面文不明似亦為隰邲二字附列於此



右布面文右作左作徐朗齋嵩訓為邲邑案邲有二一

為周地一為晉地春秋隱十一年傳杜注邲在河南緱氏縣


西南有邲聚此周之邲也昭二十八年傳杜注邲太原邲縣

此晉之邲也周之邲高士奇曰在今偃師縣西北晉之邲在


汾州介休縣東北




右布面文右作𠄎左作𠄎亦是鄔邑二字與前品微異鄔亦晉地春秋昭二十八年傳司馬彌牟為鄔邑大夫杜注鄔太原鄔縣高士奇曰漢志太原郡有鄔縣為司馬彌牟邑水經注侯甲水又西合嬰侯之水逕鄔縣故城南即司馬彌牟邑也俗亦曰慮水又西北入鄔坡漢屬鄔邑晉因之故址今在介休東北二十七里




右布面文右作𠄎左作𠄎徐朗齋訓為於邑 戰國策秦地有商於或曰於與鄔通







右布面文右作𠄎左作𠄎與前品同而小異



右布面文左是邑字右作戾似亦鄔字



右布面文左作彡右作彡與前品微異




右布二品面文左為高右為都 案高都有二史記周本紀徐

廣注高都今河南新城縣高都城也括地志云高都故城一

名部都在汝州伊闕縣北三十五里又高都屬上黨秦本紀

莊襄王三年蒙騫攻高都注引括地志今澤州是



右布面文右爲高左爲都



右布面文爲平陽二字 案春秋平陽有四宣八年城平陽注

今泰山有平陽縣漢初破楚騎於平陽尋置東平陽縣屬秦

山郡晉泰始中改新泰縣今屬泰安府此魯之平陽也昭二

十八年趙朔爲平陽大夫杜注平陽平陽縣應劭漢書注縣

在平河之陽堯舜並都之其地今爲平陽府治此晉之平陽

也哀十六年衛侯飲孔悝酒於平陽杜注燕縣東北有平陽

亭燕縣今爲胙城滑縣東南韋城西二十里有平陽城亦曰


平陽亭與胙城連壤此衛之平陽也史記秦甯公二年徙居














平陽是爲魯隱公九年也其地漢爲郿縣地水經注沂水逕












平陽故城南是也今郿縣屬鳳翔府縣西四十六里有平陽

古城此秦之平陽也此布至多未審何國所鑄因近人獨指

平陽爲衛地爲詳疏之







右布十七品面文皆平陽二字而字體大小輕重長短分合斜正各異



右布面文右作陽左作平或曰亦平陽布也 案陽平自有地

見五卷



右布面文馬陵二字馬陵衛地春秋成七年同盟於馬陵杜注

衛地陽平元城縣東南有地名馬陵高士奇曰戰國孫臆射

龐涓卽此地後漢志魏郡元城縣有馬陵隋析置馬陵縣今

大名府治東南十五里有馬陵道又有馬陵城卽隋置縣處

後漢志河東平陽國亦載盟馬陵事又云衛地一事兩注此


劉昭之謬會盟當在四達之衢不應深入奧阻衛地亦不得

至平陽矣近志和順縣有孫臆坡西接遼州之馬陵關亦誤


非齊師入安邑之徑也正義引虞喜志林云濮州鄆城縣東

北有馬陵澗谷深阻可以伏兵反以徐廣馬陵在元城之說



爲非其說亦不可用



右布面文亦為馬陵二字徐朗齋曰說文長古文作<sup>〇</sup>史記徐廣注在元城江秋史曰此布文或訛為騏非也




右布面文右作平左作占似平邱二字平邱亦衛地春秋昭十三年會於平邱杜注平邱在陳留長垣縣西南高士奇曰陳留風俗傳曰平邱衛靈公所置邑戰國策以臨平邱即此地漢置平邱縣屬陳留郡後漢因之晉廢寰宇記平邱在封邱縣東四十里蓋縣與封邱接境





右布面文右作平左作占是平陰二字平陰齊地春秋襄十八年傳杜注平陰城在濟北盧縣東北高士奇曰隋開皇時置榆山縣於漢肥城地屬濟州大業二年改曰平陰縣蓋取古平陰為名也今屬東平州


右布面文右作平是平字左作田不可識






右布面文為長子二字右作𠄎左作𠄎晉地也春秋襄十八年





傳杜注長子今屬上黨郡高士奇曰長子周初為史辛甲所封邑後歸晉分為趙地又屬韓漢置長子縣為上黨郡治晉屬上黨郡隋置寄氏縣尋廢改長子屬潞州今屬潞安府唐十道圖長子城丹朱所築丹朱堯之長子因名亦名丹朱城











右布五品面文皆為長子二字而字體小異

右布面文為屯留二字右作屯左作留即純留亦晉地春秋襄





十八年傳杜注純留今屬上黨郡高士奇曰純留春秋時潞子國赤狄種也宣十六年晉滅留吁遂為晉邑謂之純留亦曰余吾戰國策張儀曰斷屯留之道竹書紀年梁惠成王十二年鄭取屯留漢置屯留縣屬上黨郡後因之今屯留縣東南十里有純留城











右布三品面文皆為屯留字體與前品小異



右布面文右作丈左作畚似亦屯留二字附列於此江秋史曰





周禮媒氏注純實緇衣也古緇字以才為聲緇作紘才與屯

篆文相似觀此布可見



右布三品面文右作策左作彡是蒲子二字即晉之蒲也見五

卷



右布二品面文為北屈二字右作北左作屈北屈亦晉地春秋

昭二十八年傳二屈杜注二屈今平陽北屈縣或云二當作

北高士奇曰戰國屬魏漢置北屈縣屬河東郡應劭曰有南

故加北臣瓚曰汲郡古文翟章救鄭次於南屈是也北屈晉

屬平陽郡元改吉州今北屈廢縣在吉州治東北二十五里



右布面文左作示右作示近人合讀為祁祁亦晉地春秋襄二



十一年傳杜注祁縣今屬太原郡高士奇曰漢置祁縣屬太

原郡晉魏因之今屬太原府路史曰祁縣以近祁藪而得名

水經注侯甲水又西北逕祁縣故城南自縣連延西接鄔澤

是為祁藪即爾雅所謂昭餘祁矣今藪在縣東七里又東南

八里有古祁城志以為晉祁氏之邑也



右布面文為同是二字右作居左作忌即銅鞮省亦晉地也春

秋成九年傳杜注銅是晉別縣在上黨郡高士奇曰襄三十

一年子產曰銅鞮之宮數里昭二十八年滅羊舌氏樂霄為





銅鞮大夫蓋晉之別宮亦羊舌赤之食邑也劉昭曰羊舌所

邑在晉宮北二十里漢置銅鞮縣屬上黨郡晉因之今為沁



州水經銅鞮水出覆釜山酈氏注云鞮水出銅鞮縣西北石

磴山與專池女諫諸水流亂以注於銅鞮今銅鞮故城在沁





州南十里

















右布三品面文皆同是二字字體與前品小異




右布面文中都二字亦晉地春秋昭二年傳晉人執陳無宇於中都杜注中都晉邑在西河介休縣東南高士奇曰漢志有中都縣後志同劉昭注引晉執無宇事誤徐廣趙世家西都注秦紀年表作中都太原有中都縣既知西都為中都之誤又引漢縣作注亦誤也漢中都縣文帝為代王時都之晉屬太原國今太原府榆次縣東十五里有中都城與介休之中都相去甚遠此縣晉時猶在如果在介休東南則非一地矣水經注以代王都與晉執無宇事連載亦誤他若魯有中都見孔子世家齊有古中都見後志東平須昌下





右布十一品面文皆為中都而字體分合大小亦各有殊內有二品幕左作三X字





右布二品面文右作<sup>日</sup>左作<sup>彡</sup>是陽邑二字陽邑亦晉地春秋文六年傳晉殺其大夫陽處父高士奇曰漢陽邑縣是也隋改大谷今大谷縣東南十五里有陽邑城 案漢志陽邑屬

太原郡



右布面文右作<sup>彡</sup>左作<sup>合</sup>是高邑二字即部字部亦晉地春秋哀四年齊伐晉取部杜注部即高邑縣也高士奇曰部晉邑戰國策韓趙會於部又趙武靈王曰中山引水圍部史記趙世家武靈城部是也漢置部縣屬常山郡世祖即位於部南更名曰高邑晉屬趙國即今高邑縣古部城在今柏鄉北十二里



右布面文左作𠄎不可識或曰似郃字 案郃有三其一見僖


二十年郃子來朝注漢為郃城縣屬山陽今兗州成武縣東

南二十里有郃城亦曰北郃城其南二里有南郃城則春秋

為宋邑見隱十一年傳注其一則晉地成十三年呂相云焚

我箕郃是也高士奇曰今太原府祁縣西七里有郃城或謂


之鵠城



右布面文右作𠄎左作木或訓郃字郃鄭地春秋昭元年傳杜

注郃縣屬襄城高士奇曰郃後屬楚漢置郃縣屬潁川郡晉

屬襄城郡今為郃縣屬汝州



右布面文右作𠄎左作米或訓郃字郃亦鄭地春秋隱十一年

會時來注時來邾也榮陽縣東有釐城高士奇曰今開封東四十里有釐城案公羊作邾黎





右布面文右作邾左作邾似亦邾字或訓萊萊古國名與齊近

禹貢萊夷史記太公封營邱萊人來伐是也春秋宣七年齊



侯伐萊杜注萊國今東萊黃縣高士奇曰秦置黃縣漢屬東

萊郡有萊山萊山一名萊陰山一名龍門山為中國五山之



一晉仍之今黃縣屬登州府縣東南二十里有萊子城



右布二品面文右作邾左作邾疑即邾字邾魯地見五卷




右布面文右作彡左作貞與前二品小異




右布面文右邑字作彡左作彡不可識或曰似亦郎字之異文  
附列於此




右布面文右作彡左作彡亦似郎字而文與前諸品異




右布面文右作彡左作彡似鄆字鄆鄭地春秋襄元年諸侯之  
師次於鄆杜注鄭地在陳留襄邑縣東南





右布面文右作彡左作彡不可識翁宜泉疑為鄭字近是




右布面文右作𠄎左作呈是郢字說文郢故楚都在南郡江陵  
北十里从邑呈聲



右布面文右作𠄎左作呈與前品小異



右布面文右亦邑字左作呈與前品又異




右布面文右作𠄎左作日不可識或訓郎字郎衛地春秋定八  
年傳杜注瓦衛地東郡燕縣東北有瓦亭今瓦亭在胙城縣  
東北





右布面文右作𠄎左作𠄎是郈字郈魯地春秋桓六年會於成  
 穀梁作郈杜注在泰山鉅平縣南高士奇曰漢置鉅平縣屬  
 泰山郡晉因之今甯陽縣東北九十里有鉅平城




右布面文右作𠄎左作𠄎與前品異或亦訓為郈字



右布面文右作𠄎中作𠄎疑即郈字郈莒地春秋昭十年傳杜  
 注郈莒邑高士奇曰自是郈屬於魯或曰在沂水縣




右布二品面文右作𠂔左作𠂔是皮氏二字皮氏見五卷亦晉地也後漢志皮氏有耿鄉今為河津縣東有冀亭說文皮从又省聲古文作𠂔籀文作𠂔汗簡作𠂔石鼓作𠂔徐明齋曰𠂔疑是𠂔之誤當从革省从又為省聲




右布二品前品面文右作𠂔左作𠂔後品面文右作𠂔左作𠂔





與皮氏相近而微異附列於此





右布面文右作𠂔左作𠂔不可識或亦訓為皮氏




右布二品前品面文右作奇左作亅後品右文同左作亅江秋  
 史訓為猗氏漢志猗氏屬河東郡即晉之廬柳與瑕地也今  
 猗氏縣西有廬柳城東北有瑕城或為猗氏屬上黨郡亦近  
 晉地





右布三品面文一品右作王左作工二品右作丰左作干三品  
 右作丰左作干翁宜泉皆訓為王氏





右布面文右作王與前品同左作亅與前品異






右布面文右作耳左作王與前訓王氏者略似王字中畫濶



右布面文右作午左作王與前品略同而小異




右布二品面文右作文左作丿江秋史訓爲文氏



右布二品面文作潞江秋史訓爲潞潞亦晉地晉純留先爲潞


子國春秋哀四年傳杜注壺口潞縣有壺口關漢志潞屬上黨郡後志潞本國注縣城臨潞晉荀林父伐曲梁在城西十里今名石梁案其地今屬潞安府哀八年齊使鮑子居潞杜注潞齊邑此或與晉邑近抑即哀四年所取晉壺口諸地耶




右布二品面文作露江秋史曰周書職方解以露為潞其浸汾露汗簡以露為露






右布面文右作川左作多近人訓為濂即沽字漢志地屬上黨郡亦晉地也後志注引山海經曰沽有少山其上有金玉其下有銅郭璞曰在沽



右布四品面文皆與前一品略同而小異因類列之





右布三品面文右作水左作旱近人訓爲涅漢志涅氏屬上黨  
 郡注涅水也後漢志注引山海經曰竭戾之山有金玉沁水  
 出焉南流注於河郭璞曰在涅








右布二品面文與前三品略同而小異





右布面文右作旱左作水似反文涅字



右布面文襄垣二字漢志上黨郡有襄祖宋祁曰祖劭本作桓  
 後志作襄垣



右布五品面文皆襄垣二字文與前品微異




右布面文襄陰二字江秋史曰陰漢志屬南陽郡師古曰卽左

氏傳遷陰於下陰者也與鄆相近今襄州有陰城縣 案春

秋昭十二年傳杜注陰縣今屬南鄉郡高士奇曰卽晉陰地


之戎也漢置陰縣屬南陽郡後漢因之晉初屬南鄉郡後屬  
 順陽郡今為光化縣屬南陽府但此為陰地漢志自有襄陰  
 縣屬定襄郡與此不相涉



右布面文亦襄陰二字與前品小異




石布面文右作剛左作爰似是襄陽二字楊與陽通




右布三品面文右作令左作貝近人訓為貝邱貝邱齊地也

春秋莊八年傳杜注貝邱齊地樂安博昌縣南有地名貝邱  
餘見五卷





右布面文右作於左作貝與前三品小異



右布面文右作父左作貝徐朗齋訓為文具未詳




右布面文右作父左作貝或訓為邢邱二字邢邱亦晉地春秋  
宣六年傳杜注邢邱今河內平臯縣漢志平高屬河內郡應  
劭曰平臯縣有邢邱是也晉因之今平臯故城在懷慶府東  
南七十里



右布面文右作卩左作几與前品小異



右布面文右作彡左作彡不可識




右布二品前品面文右作彡左作一後品右作彡左無文皆不

可識




右布面文右作彡左作一與前第一品同




右布面文右作卩左作卩翁宜泉訓爲咎奴咎卽臯字與高通

漢志有高奴屬上黨郡




右布面文右作中左作卑似中卑二字無攷



右布面文右作中左作卑似女陽二字 案女陽漢縣屬汝南

郡













右布面文安陽二字安陽漢縣屬漢中郡史記秦本紀拔晉甯

新中更名安陽括地志卽今相州外城也 案此布較大與

前梁邑弟一品相似








右布十三品面文皆安陽二字而字體各殊以上諸品亦見古

金待問錄



右布面文安陽二字傳形安字列左陽字列右與前諸品異








右布面文右作可似亦安字左為陽字與前諸品異



右布面文作陶陽江秋史疑為陶陽

按陶即陶字陶陽無攷

山左金石志亦訓安陽是也




右布四品面文皆陶陽第一品幕右作左字第二品幕右作右

字第三品幕左作左字第四品幕左作右字




右布面文宅陽二字史記魏世家與韓會宅陽城括地志云宅陽故城一名北宅在鄭州滎陽東十七里徐朗齋曰方嵩年泉幣攷釋為高陽謂是高陽氏金非也





右布四品文皆宅陽而字體各異



右布面文亦宅陽幕文有王氏二字










右布面文右作𠄎左作𠄎江秋史訓為魯陽楚語惠王以魯陽  
 與魯陽文子史記魏世家武侯十六年伐楚取魯陽今汝州  
 魯山縣也徐朗齋曰魯字作𠄎蓋升日在魚上說文魚字無  
 古文此亦可補其缺



右布五品面文皆魯陽而字體各小異

右布面文亦魯陽魯字日向右為異



右布三品面文右作土左作彡江秋史訓為杜陽二字漢志杜




陽屬右扶風注杜水南入渭師古曰大雅縣之詩人之初生

自土漆沮齊詩作杜言公劉避狄而來居杜與漆沮之陽

案師古引土字與此布合其引詩民作人避太宗諱也漆沮

今本作沮漆太王避狄而以為公劉則誤後漢志注引詩譜

曰周原者岐山陽地屬杜陽







右布二品前一品右作廿左作杜後一品右作杜左作杜似亦杜陽也而文皆異於前三品



右布面文作闕上有二橫畫似亦闕字江秋史曰闕即蘭字見

說文讀若菴 案說文蘭良刃切無闕字詳見五卷





右布四品面文皆作閔亦閔字也但火字上有一橫畫為異



右布三品面文皆閔內火字各異上無橫畫弟一品作閔弟二

品作閔弟三品作閔



右布面文作閔似亦閔字與前諸品異


右布面文右作表左作巾不可識



右布面文右作𠄎左作𠄎不可識



右布面文右作畺左作𠄎不可識




右布面文右作𠄎左作全或訓為壽陰二字






右布面文右作𠄎左作𠄎不可識




右布面文右作△左作◇不可識




右布面文左作冫右無文



右布面文左作冫右文不清




右布面文右作△左作冫不可識




右布面文右作△左作冫或訓高昌二字



右布面文右作𠄎左作干不可識




右布面文右作𠄎左無文




右布面文右作𠄎左作𠄎近人訓為沐邑




右布面文右作介左作𠄎似介箕二字



右布面文右作𠄎左作干不可識




右布面文右作<sub>夕</sub>左作<sub>夕</sub>皆不可識



右布面文不清左似作<sub>息</sub>右無文 以上平足布凡二百二十

亦有五品

從曾孫文





1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33

Centimetres

# Kodak Color Control Patches

© Kodak

Blue

Cyan

Green

Yellow

Red

Magenta

White

3/Color

E

